

國家圖書館藏

清代孤本方志選

綾裝書局



國家圖書館分館編

清代孤本方志選

(第一輯第十七冊) 江西 鄱陽縣志「康熙」十六卷(二)

鄱陽縣志卷之十一

人物上

千里一士累世一賢猶之此肩接踵鄱七
饒之一耳尚論往哲功高者等同姓而分
茅志烈者矢九死以伏鑕桓公邁績于長
沙大行嗣聲于補闕經營獻替之臣慕古
好修之士雖有隱顯殊途文行異等而後
先相望抑云盛已以至閨閫之流冰玉爲
心羈旅之彥山川借色例得並載作人物

志

勲業

吳芮

子臣將梅銷

芮夫差七世孫父申徙番秦始皇以芮爲
 番令時天下叛秦唯芮得江湖間民心號
 曰番君六年英布以兵七千歸芮芮妻以
 女因舉兵應諸侯沛公攻南陽遇芮將梅
 銷與偕攻析酈降之及項羽相王以芮率
 百越佐諸侯入關立芮爲衡山王都邾項

藉死高帝以銷從入武關故德芮徙爲長
沙王都臨湘封銷十萬戶列侯明年詔將
兵定閩中芮至贛之金精山薨諡文子成
王臣嗣會英布反高帝擊敗走江南臣以
姻故使人遺書給布誘至番茲鄉田舍間
殺之至靖王著凡五傳共五十年無子國
除史贊曰漢異姓王者八國皆以詐力成
功故卒謀叛終于滅亡唯芮之起不失正
道故能傳號五世著甲令而稱忠焉

陶侃

子範

斌兄

子臻

邑人

楊旂

侃字士行父丹吳揚武將軍邑人孝廉范
達薦侃于廬江太守張夔召爲督郵領樅
陽令有能名舉孝廉除郎中劉弘刺史荆
州辟爲南蠻長史往襄陽討賊張昌以功
封東鄉侯邑千戶陳敏之亂弘以侃爲江
夏太守加鷹揚將軍敏遣弟恢寇武昌
其師以毋憂去職服闋江州刺史華軼表
爲揚武將軍屯夏口又以兄子臻爲參軍

軼與元帝素不平臻懼難作託疾而歸侃怒遣臻還軼臻遂東歸于帝帝見之大悅命臻叅軍事加侃奮威將軍候赤幢曲蓋輅車侃乃與華軼告絕項之遷龍壤將軍武昌太守擊杜弢破之拜使持節寧遠將軍南蠻校尉荊州刺史領西陽江夏武昌鎮沌口沔江爲賊所敗坐免以白衣領職復率周訪等進軍入湘擊弢大破之侃佐史辭詣王敦甚稱侃功伐敦奏復侃官王

書少系

勳業

貢率精兵誘五谿蠻徑向武昌侃使鄒攀
陶延趣巴陵掩其不備斬降萬餘貢降毀
敗走進尅長沙侃將還江陵詣敦別敦忌
其功留之不遣左轉廣州刺史將欲害之
叅軍梅陶長史陳頌言于敦曰周訪與侃
親姻如左右手安有斷人左手而右手不
應者乎敦意解設盛饌餞之侃便夜發旣
達豫章見周訪流涕曰非卿外援我殆不
免至始興杜弘反侃平之以功封柴桑侯

食邑四千戶太典初進平南將軍加都督
交州軍事尋轉都督湘州刺史錄功封次
子夏爲都亭侯加侃征南大將軍開府儀
同三司及王敦平進都督荆雍益梁州諸
軍事領護南蠻校尉征西大將軍荆州刺
史餘如故蘇峻作逆温嶠要赴朝廷難爲
盟主會石頭部將彭世斬峻拜侃侍中
尉加羽葆鼓吹封長沙郡公邑二千戶加
都督交廣寧七州軍事遣諮議叅軍張鈺

討降五谿蠻郭默矯詔襲殺平南將軍劉
胤輒領江州侃聞之率大軍進上表討默
與王導書曰郭默殺方州卽用爲方州害
宰相便爲宰相乎導荅曰默居上流加有
戰艦故含忍使其有地一月潛嚴足下軍
到是以得風發相赴豈非遵養時晦以定
大事者耶侃省書咲曰是乃遵養時賊也
侃旣至默將宗侯縛默詣侃降斬之詔侃
都督江州領刺史移鎮武昌命張夔子

爲參軍范達子珽爲湘東太守薛劄弘曾
孫爲椽屬允微時所荷一食咸報遣子斌
與南中郎將桓宣西伐樊城走石勒將郭
敬遣兄子臻同竟陵太守李陽等破新野
遂平襄陽拜大將軍舞屐上殿入朝不趨
讚拜不名上表固讓咸和七年疾篤又上
表遜位薨于樊谿謚曰桓侃勤吏職與人
恭而有恩齋居無事蚤莫運甓曰吾方致
力中原過爾優游恐不堪事每飲酒有定

限常歡有餘而限已竭叅佐勸更以進祝
懷懷良久曰年少會有酒失亡親見約故
不敢踰嘗造船木屑竹頭藏之後皆適用
其綜理周密類此軍中自南陵迄于白帝
數千里路不拾遺晚年知止不與朝權及
疾篤將歸軍資器仗皆有定簿自封印以
付代者然後登舟尚書梅陶曰陶公穢神
明鑑似魏武忠順勤勞似孔明陸抗諸人
不能及也謝安每言陶公雖用瀉而恒得

澗外意邑人楊暉有藻鑑爲鄉論所歸嘗
謂侃曰易稱真固足以幹事士行是也爲
世所重如此子十七人瞻與見忠節範官
至光祿勳臻字彥遐有勇畧賜爵當陽亭
侯咸和中爲南郡太守領南蠻校尉假節
追贈平南將軍謚肅

熊本

彥明

本字伯通慶曆間進士判撫州軍事遷秘
書丞知建德縣提舉淮南常平檢正中書

禮房事熙寧間廬州羅晏彝叛詔奉察訪
梓夔得以便宜治彝事不謂彼能擾遠者
介十二村豪爲鄉導以計致梟之又大破
柯陰諸種從風而靡願世爲宋官屬遷刑
部員外郎集賢殿修撰通判司農寺神宗
勞之曰鄉不傷財不害民一旦去百年之
患檄奏詳明近時鮮儷復出爲秦鳳路都
轉運使省冗官四十員歲減浮費數十萬
渝州南川獠木斗叛詔本安撫本誅破其

黨木斗氣索舉濠州地五百里來歸爲四
砦九堡建南平軍除知制誥判司農寺故
事除知制誥者皆先召試帝曰本之文朕
所自知元豐中歷知滁廣桂三州會宜州
蠻擾邊本至遂平召爲吏部侍郎力請外
仍待制知洪州尋徙杭州江寧府再知洪
州卒有文集奏議共八十卷孫彥明字德
將寓樂平金山鄉紹興初宰永豐洞民唐
小隆據險犯順彥明奉檄討之賊將遁去

逃卒語泄彥明遇害大帥胡世將表聞贈
朝請卽官其子誥

陶節夫

節夫字子禮侃之後也進士起家崇寧初
爲講議司檢討官虞部員外郎遷陝西轉
運副使以直龍圖閣知延安府招降羗有
功加集賢殿修撰築石堡等四城石城以
天澗爲陞可趨者惟一路夏人宰粟其間
以十數驚曰漢家取我金窟窩發鐵騎十

萬來爭節夫分部遮禦之敵歛兵退連擢
顯謨閣待制龍圖閣直學士城銀州敵至
以城固遁去進樞密直學士尋領經制環
慶涇原河東邊事陳取興靈策加龍圖學
士會朝廷罷經制司且棄所城徙洪州江
寧府歷青徐二州太原府知永興軍數月
卒據宋史本傳節夫進士起家考登科無
其名

彭太雅 孫克紹

大雅字子文寶祐間進士官朝請郎出爲